

重編醫經小學
八

重編醫經小學卷之六目錄

病機

病機二十九條
六氣為病
病機畧要

風
寒
暑
濕

燥
火
飲食傷
勞役傷

氣
血
痰飲
鬱

汗
虛損
勞極
傳屍

癘
霍亂
泄瀉
痢

積聚癰塊

水腫

脹滿

痞滿

黃疸

咳嗽

哮喘

飢逆

嘔吐

膈噎

吞酸嘈雜

眩暈

頭痛

心痛

腹痛

脇痛

腰痛

疝瘕

腳氣

痺

痿

麻木

瘰癧

厥

癲狂

邪祟

中惡

怔忡驚悸健忘

痞渴

便濁

遺精

遺溺

淋

關格

關結

頭面體病

目

耳

鼻

口唇

牙齒

咽喉

諸蟲

諸毒

傷折

破傷風

癩風

痔漏

癰瘤

瘰癧

癰疽

疔

丹毒

疥癬

瘡瘍

婦人

小兒

老人

臟腑證候

肝膽

心小腸

脾胃

肺大腸

腎膀胱

三焦

五臟傷候

肝

心

脾

肺

腎

重編醫經小學卷之六

病機

病機一十九條

審察病機，無失氣宜。諸風掉眩，肝木主之。
諸痛痒瘡，心火所為。諸濕腫滿，脾土有司。
諸氣腫鬱，肺金有惡。諸寒收引，腎水無疑。
諸厥固泄，下腎肝推。諸痿喘滿，上心肺知。
諸禁鼓慄，如喪神守，皆屬於火。手少陰心

諸熱脅癰 火手少陽 諸躁狂越 火足陽明

諸逆衝上 火手厥陰 諸腹脹大 熱足太陰

諸瘕項強 濕足太陽 諸暴強直 風足厥陰

諸病有聲 鼓之如鼓 皆屬於熱 手太陰經

諸病肘腫 疼酸驚駭 皆屬於火 手陽明經

諸轉反戾 水液渾濁 皆屬於熱 手太陽經

諸病水液 澄澈清冷 皆屬於寒 足少陰經

諸嘔吐酸 暴注下迫 皆屬於熱 足少陽經

六氣為病

厥陰裡急	筋緩縮急	支痛軟戾	脇痛嘔泄
少陰所至	則為身熱	瘍疹癰疽	淋秘腎鬱
惡寒戰慄	悲笑驚惑	譫志 _妄 衄蟻	血汚溢泄
太陰所至	為積飲滯	霍亂吐下	及諸膈痞
身體乃重	中滿腫肘	肌肉如泥	按之不起
少陽嘔嘔	喉痺耳鳴	溢食不下	嘔涌躁驚
暴病暴死	暴注瘕疝	瘡瘍暴瘡	冒昧不明

陽明所至 乃為乾勁 淡枯涸閉 孰噫之證
浮虛欬揭 脇痛尻陰 股膝髀腠 肘足之病
太陽腰痛 屈伸不利 寢汗痙厥 流泄禁止

病機畧要

百病之生 風寒濕暑 燥火喜怒 飲食居處
以欲竭精 以耗散真 不知持滿 不時御神
以酒為漿 醉以入房 起居無節 以妄為常
務快其心 遂於生樂 虛邪賊風 以得伺隙

恬憺虛無，真氣從之。精神內守，病安從來。
病本十形：六氣四因，氣固形實，形虛邪侵。
天有四時，人有五藏，五行五氣，以生以育。
陰陽四時，萬物終始，死生之本，逆之災起。
喜怒哀傷氣，寒暑傷形，重陰必陽，重陽必陰。
陰勝陽病，陽勝陰病，重寒則熱，重熱則冷。
寒勝則浮，風勝則動，濕勝則濡，燥勝則乾。
燥勝則乾，寒暑過度，喜怒不節，生乃不固。

暴喜傷陽，暴怒傷陰，厥氣上行，滿脉去形，
暑熱傷氣，氣傷而痛，風寒傷形，形傷而腫，
氣傷形者，先痛後腫，形傷氣者，先腫後痛，
營貴後賤，名曰脫營，雖不中邪，病從内生，
膏肓後貧，名曰失精，五氣留連，病有所并，
暴樂暴苦，始樂後苦，精氣竭絕，形體毀沮，
陰者在內，陽之守也，陽者在外，陰之使也，
陽虛外寒，陰虛內熱，陰盛內寒，陽盛外熱。

陽勝身熱，腠閉喘促，陰勝身寒，汗出寒慄，
寒熱之病，有安寒熱，有肌寒熱，有骨寒熱，
陰之所生，本在五味，陰之五宮，傷在五味，
五味稍薄，令人神爽，稍多臟腑，各有損妨，
謹和五味，骨正筋柔，理以蜜，氣血以流，
其如是則，氣骨以精，謹道如法，長有天命，
主不明則，十二官危，使道閉塞，形乃大瘦，
陰者藏精而起亟也，陽者衛外而為固也。

陽不勝陰。五藏氣爭。九竅不通。陰不勝陽。
脉流薄疾。并乃走狂。凡陰陽要。陽密乃固。
因而和之。是謂聖度。陰平陽秘。精氣乃治。
陽強不密。陰氣乃絕。陰陽離決。精氣乃絕。
蒼天清淨。則志意治。順之陽固。賊邪弗害。
若失之則。九竅內閉。肌肉外壅。衛氣散解。
日月不明。邪害空竅。賊風數至。暴雨數搖。
天邪氣感。五藏受害。地濕氣感。五體則憊。

水穀寒熱感害六府邪風之至疾如風雨
陽者天氣主外常實陰者地氣主內常缺
賊風虛邪陽則受之食飲起居陰乃受之
陰受人藏陽受人府入府身熱上為喘鳴
入五藏則膜滿閉塞下為飧泄久為腸澼
喉主天氣咽主地氣陽受風氣陰受濕氣
陰氣從足至頭下行陽氣從手至頭下行
陽病上行極而下行陰病下行極而上行

傷於風者 上先受之 傷於濕者 下先受之
身半已上 邪中之也 身半以下 濕中之也
中陽溜經 中陰溜府 陰之與陽 異名同類
或中于陰 或中于陽 上下左右 無有恒常
虛邪中身 洒淅動散 正邪中人 莫知其情
邪中人藏 各有病形 陰陽俱盛 不能邪侵
邪入於陽 則為狂氣 邪入於陰 則為血痺
邪入於陽 轉則為癰 邪入於陰 轉則為瘡

陽入之陰其病靜懼陰出之陽其病喜怒

四時之氣更傷五藏冬傷於寒春必溫病

春傷於風夏生飧泄夏傷於暑秋必痲痺

秋傷於濕秋嗽上逆發為痿厥皆過時發

春病在陰秋病在陽冬病在陰夏病在陽

春病在頭夏在藏兮秋在肩背冬在肢體

陰病發骨陽病發血以味發氣陰病發肉

春氣經脈夏氣孫絡秋氣皮膚冬氣髓骨

長夏肌肉或在舌根病在胃脇肝病在筋
心病在脉脾病在肉肺病皮毛腎病在骨
五氣所病心噫肺噯肝語脾吞腎為欠噎
胃為氣逆為噦為噦大腸小腸並為利泄
下焦膀胱溢而為水不利為癰不約為遺
三陽病結乃發寒熱下生癰腫及為痿厥
二陽之病病發心脾男子小精女子不月
一陽發病小氣嗽洩心火不寧其動若掣